

RUKOMETNI SAVEZ BOSNE I HERCEGOVINE

# PRAVILNIK

## o statusu igrača

Na osnovu odredbi člana 36. Statuta Rukometnog saveza Bosne i Hercegovine, Izvršni odbor Rukometnog saveza Bosne i Hercegovine, donio je:

## **PRAVILNIK O STATUSU IGRAČA**

### **I - OSNOVNE ODREDBE**

#### **Član 1.**

Ovim Pravilnikom Rukometni savez Bosne i Hercegovine, propisuje status rukometaša – ica, u daljem tekstu igrač, odnose igrača i kluba, ugovore između igrača i kluba, pravo prelaza iz kluba u klub i obestecenje za takve prelaske, pravo igranja za klub drugog nacionalnog saveza i takse .

#### **Član 2.**

Osoba koja svojom voljom potpiše pristupnicu za klub iz RSBiH i koja je na osnovu Registracionog pravilnika upisana u Savez, dobiva status igrač. Tim činom igrač stice sva prava, obaveze te dužnosti što proizilaze iz Statuta saveza i drugih pravilnika.

#### **Član 3.**

Međusobni odnosi igrača i kluba za koji je registrovan, određen je Pravilnicima Saveza, a posebne odnose se mogu dogovoriti međusobnim Ugovorom između igrača i kluba.

### **II - STATUS IGRAČA**

#### **Član 4.**

Igrač član saveza može biti:

1. Igrač bez ugovora i
2. Igrač sa ugovorom, **uključujući profesionalce.**

### **III - IGRAČ BEZ UGOVORA**

#### **Član 5.**

Igrači koji nemaju pismeni ugovor između njega i njegovog kluba i kojima nije plaćena naknada preko i više od uobičajnih troškova za učešće u igri, smatraju se igračem bez ugovora.

#### **Član 6.**

Uobičajni troškovi, koji mogu biti nadoknadjeni svim igračim a koji ne utiču na njihov status igrača bez ugovora, odnose se na putne toškova i troškova smještaja u vezi sa utakmicama, sportsku odjeću, osiguranje i troskove treniranja. Finansiski prihodi koji nisu povezani sa uobičajnim troškovima u principu se smatraju nagradom za igračeve usluge kao rukometasa.

#### **Član 7.**

Svaki igrač koji prima uplate iznad nakanada troskova iz clana 6, je igrač pod ugovorom. U tom slučaju obavezno se sklapa pisani ugovor ugovor kojim se uređuju prava i obaveze ugovornih strana.

**Član 8.**

Svaki klub je dužan prijaviti igrače koje ima pod ugovorom Rukometnom savezu BiH, i to putem obrasca. Igrači koji nisu prijavljeni savezu putem obrasca smatrat će se igračima bez ugovora. RS BiH je dužan do 31.12. svake godine sastaviti centralni upisnik igrača pod ugovorom. RSBIH je dužan mjerodavnoj kontinentalnoj federaciji EHF-u dostaviti centralni upisnik igrača pod ugovorom do 28.02 svake godine. Kontinentalna federacija evidentira igrače pod ugovorom i dostavlja cjelovit popis IHF-u do 31.03. svake godine.

**Član 9.**

IHF ili nadležna kontinentalna federacija EHF ima pravo sama odrediti status igrača, a zahtjev za to može uputiti RSBIH, igrač ili klub.

**Član 10.**

Ugovor između igrača i kluba mora sadržavati sve pojedinosti koje određuju međusobna prava i obaveze, a sklapa se na tačno određen period. Ugovor mora biti propisno potpisan. Vazni dijelovi svakog ugovora su njegovo trajanje >pocetak i prestanak< kao i odredbe vezane uz njegov raskid bilo koje ugovorne strane.

**Član 11.**

Igrač bez ugovora koji sklopi ugovor tokom sezone, klub je dužan prijaviti RSBIH u roku od 7 dana.

**Član 12.**

Igrač bez ugovora je slobodan igrač pri prelasku iz kluba u klub. Igrač bez ugovora se smatra igračem sa ispisnicom u prelaznom roku.

**IV. UGOVORI****Član 13.**

Igrač i klub imaju pravo zaključiti jedan od ugovora:

1. Sporazum / Ugovor o sportskom stipendiranju i usavršavanju,
2. Sporazum / Ugovor o igranju kao dodatnoj djelatnosti ( amaterski ugovor ) i
3. Sporazum / Ugovor o profesionalnom igranju.

**Član 14.**

Ugovorom se ne mogu uređivati međusobni odnosi ako su u suprotnosti sa važećim zakonima Bosne i Hercegovine i propisa Rukometnog saveza BiH koji utvrđuju status igrača..

**V - UGOVOR O SPORTSKOM USAVRSAVANJU I STIPENDIRANJU IGRACA****Član 15.**

Klubovi i za njih registrovani igrači mlađji od 18 godina života te igrači koji se redovno školuju mogu zaključiti ugovor o sportskom usavršavanju i stipendiranju igrača.

Ugovor s igračem mlađim od 18 godina života obavezno supotpisuje jedan od roditelje ili staratelja. U protivnom se takav ugovor smatra nevazecim.

**Član 16.**

Ugovor osportskom usavršavanju i stipendiranju mora da sadži:

- Odredbe o obavezama kluba u pogledu stanovanja, ishrane, školovanja, mjesnog prevoza, stipendije, nagrada i naknada.
- Obaveze o odredbama igrača u pogledu treninga, nastupa za klub i redovnog školovanja.
- Odredbe o dužini trajanja ugovora.

**Član 17.**

Ugovor o sportskom usavršavanju i stipendiranju igrača zaključuje se s rokom važnosti do isteka kalendarske godine u kojoj igrač navršava 18 godina života. Izuzetak su igrači koji se redovno školuju te ugovor zaključuju sa rokom važnosti do završetka ili prekida školovanja.

Ugovor o stipendiranju i usavršavanju igrača prestaje vrijediti i prije isteka kalendarske godine u kojoj igrač navršava 18 godina života ako zaključi s klubom ugovor o profesionalnom igranju rukometa

**Član 18.**

Igrač može zaključiti ugovor samo s jednim klubom. Igrač koji zaključi ugovor o sportskom usavršavanju i stipendiranju igrača s dva ili više klubova pokrenut će se disciplinski postupak.

Registraciona komisija registrovat će samo onaj ugovor koji je ranije zaključen i dostavljen u RSBIH u upisnik klubova.

**VI - UGOVOR O IGRANJU KAO DODATNOJ DJELATNOST – AMATERSKI UGOVOR****Član 19.**

Klubovi i za njih registrovani igrači, koji osim igranja rukometa, rade i neku drugu djelatnost, mogu međusobno zaključiti ugovor o igranju kao dodatnoj djelatnosti.

**Član 20.**

Ugovor o igranju kao dodatnoj djelatnosti ne mogu zaključiti igrači koji nisu navršili 18 godina života.

**Član 21.**

Ugovor o dodatnoj djelatnosti, koji igrač prvi put zaključuje s matičnim klubom, ne može biti na kraće vrijeme od 6 mjeseci niti duže od 4 godine.

**Član 22.**

Ovaj vid Ugovora može se sporazumno raskinuti i prije isteka roka na koji je zaključen s matičnim klubom, u korist sklapanja Ugovora o profesionalnom igranju između igrača i istog kluba.

**Član 23.**

**Ugovor o igranju kao dodatnoj djelatnosti, sadži, sljedeće:**

- Odredbe o trajanju ugovora.
- Odredbe o obavezama Kluba u pogledu stanovanja, ishrane, školovanja, prevoza, sportskog dodatka, nagrada i naknada.
- Odredbe o igračevoj obavezi prema treningu i utakmicama.

**Član 24.**

Igrac može zaključiti ugovor samo s jednim klubom.

Registraciona komisija registrovat će samo onaj ugovor koji smatra koji je ranije zaključen i dostavljen u upisnik ugovora RSBIH.

Protiv igrača koji zaključi ugovor o igranju kao dodatnoj djelatnosti s dva ili više klubova, pokrenut će se disciplinski postupak.

**VII - UGOVOR O PROFESIONALNOM IGRANJU****Član 25.**

Klubovi i za njih upisani igrači su slobodni da zaključenje Sporazuma / Ugovora o profesionalnom igranju, kojim se određuju sva međusobna prava i obaveze.

**Član 26.**

Sporazum / Ugovor o profesionalnom igranju ne mogu zaključiti igrači koji nisu navršili 18 godina života.

**Član 27.**

Sporazum / Ugovor o profesionalnom igranju, koji igrač prvi put zaključuje s matičnim klubom, ne može biti na kraće vrijeme od 6 mjeseci niti duže od 3 godine.

Sporazum / Ugovor o profesionalnom igranju, koji igrač ne zaključi prvi put, može biti zaključen bilo koji vremenski rok.

**Član 28.**

Sporazum / Ugovor o profesionalnom igranju, sadrži, sljedeće:

- Odredbe o obavezama Kluba u pogledu stanovanja, ishrane, prevoza, sportskog dodatka, nagrada i naknada.
- Odredbe o odredbama igrača u pogledu treninga i nastupa za Klub.
- Odredbe o načinu uplate zdravstvenog, penzionog i invalidskog osiguranja za igrača.
- Odredbe o načinu i visini uplate osiguranja igrača od sportske povrede.
- Odredbe o trajanju Sporazuma / Ugovora i o uslovima prestanka i važenja Sporazuma / Ugovora.
- Odredbe o odšteti za prelazak u drugi Klub, domaći ili inostrani u vrijeme trajanja Ugovora raskid / Ugovora.
- Odredbe čije kršenje odnosno nepridržavanje ima za posljedicu raskid Ugovora.
- Odredbe o novčanim uslovima.

**Član 29.**

Ugovor o profesionalnom igranju igrač može zaključiti samo sa jednim Klubom.

Protiv igrača koji zaključi Sporazum / Ugovor o profesionalnom igranju sa drugim ili više klubova RS BiH će takvog igrača suspendovati te pokrenuti disciplinski postupak.

**Član 30.**

Ako je Sporazum / Ugovor raskinut odlukom nadležnog organa na štetu kluba, odštete se ne može potraživati.

## VIII - UPISIVANJE / UGOVORA I SPOROVI

### Član 31.

Ugovore upisuje i ovjerava Registraciona komisija RS BiH.

Način upisa i ovjera propisuje Registraciona komisija RS BiH.

### Član 32.

Potpuna ovjera te ispravnost ugovora je putem Obrasca broj 4. koji je sastavni dio Ugovora..

Obrazac broj 4. mora biti ispunjen u potpunosti i samo takav će Registraciona komisija RS BiH uzeti u razmatranje kao važeći.

### Član 33.

Obrasci koji nisu ovjereni od strane Registracione komisije RS BiH i nisu upisani u registar ugovora, smatraju se ne važećim.

### Član 34.

Strane potpisnice ugovora, klub i igrač, imaju pravo zatražiti raskid ugovora od nadležnog organa, ako su mišljenja da jedna od strana, potpisnica ugovora ne poštuje odredbe ugovora.

Igrac ili klub koji zatraži raskid ugovora mora priložiti

-zahtjev za raskid ugovora s jasnim razlozima raskida ugovora,

- kopiju ugovora,

- potvrdu o uplacenoj taksi od 150km na racun RSBIH.

Ako je ugovor raskinut odlukom Registracione komisije ili Izvrsnog odbora RSBIH na stetu kluba , obestecenje se ne moze potrazivati

### Član 35.

O zahtjevu za raskid ugovora Registraciona komisija mora odluciti u roku od 30 dana od dana prijema zahtjeva

Na odluku Registracione komisije RSBIH strana koja se tom odlukom smatra ostecenom ima pravo uloziti zalbu Izvrsnom odboru RSBIH u roku 8 dana od dana prijema odluke , uz uplatu takse u iznosu od 300 km.

Odluka Izvrsnog odbora je konacna i na nju se ne moze uloziti zalba .

### Član 36.

Ako su igrač i Klub zaključili građanski ugovor, isti ne smije biti u suprotnosti s odredbama ugovora iz ovoga Pravilnika..

Ugovori iz tako sklopljenog građanskog ugovora između igrača i kluba ili neke treće strane, u djelokrugu su mjerodavnog suda i ne utječu na pravo registracije i nastupa u klubu članu RSBIH.

## IX. - PRAVO PRIJELAZA ZA IGRACE IZ KLUBA U KLUB UNUTAR SAVEZA

### Član 37.

Za prelaz igrača u drugi klub ustanovljuje se prelazni rok.

Razlikujemo redovni prelazni rok koji traje 14 dana i vanredni prelazni rok koji traje 7 dana. Redovni prelazni rok je od 14.07.- do 01.08. tekuće godine. Vanredni prelazni rok je od 20.01. – 27.01. tekuće godine.

Eventualne izmjene početka prelaznih rokova određuje IO RS BIH svojom odlukom .

**Član 38.**

Igrac ima pravo prelaska iz kluba u klub unutar RS BiH ,  
 -ako ima ispisnicu kluba ciji je član bio  
 -ako je igrač bez ugovora  
 -ako mu je istekao ugovor  
 -ima ispunjene uslove iz pozitivne pravosnažne odluke Registracione komisije ili Izvršnog odbora RSBIH o pravu za registracije za drugi klub.  
 -ako je placena taksa za prelazak igrača , na račun RSBIH u iznosu od 400 KM

**Član 39.**

Ako klub odbije izdati ispisnicu igraču koji nije pod ugovorom ili mu je ugovor istekao, odnosno ako je od ovlaštenog tijela RSBIH proglašen nistavnim , registraciona komisija će smatrati da takav igrač ima status igrača sa ispisnicom.

### **X - OBESTECENJE ODNOSNO NAKNADA ZA EDUKACIJU IGRACA STAROSTI OD 16 DO 23 GODINE ZA PRELAZ IGRACA IZ KLUBA U KLUB UNUTAR SAVEZA**

**Član 40.**

Klub koji pušta igrača starosti od 16 godina do 23 godine u drugi klub unutar saveza ima pravo zahtijevati naknadu za njegovu edukaciju za svaku takmičarsku sezonu u kojoj je barem tri puta bio uvršten u službeni zapisnik s utakmice Premijer ili Prve lige u predmetnoj sezoni.

**Član 41.**

Naknada po igraču starosti od 16 godina do 23 godina za edukaciju iznosi 500km po sezoni .

**Član 42.**

Naknada po igraču članu reprezentativnih selekcija BIH za edukaciju iznosi 1000 km za svaku takmičarsku sezonu u kojoj je barem tri puta bio uvršten u službeni zapisnik utakmice bilo koje državne reprezentacije.

**Član 43.**

Ukoliko klubovi međusobno dogovore o prelasku igrača starosti od 16 do 23 godine bez plaćanja za edukaciju igrača, dužni su pismeno obavjestiti savez o tome uz dostavu sporazuma potpisanog i ovjerenog od strane oba kluba.

**Član 44.**

Naknada za edukaciju može se tražiti samo tokom prelaznog roka u kojem igrač mijenja klub.

### **XI - PRAVO PRIJELAZA IGRACA U MEDJUNARODNOM TRANSFERU**

**Član 45.**

U nacelu , međunarodni transfer igrača pod ugovorom može se obaviti na tri različita načina:

## 1. Posudba igrača pod vazecim ugovorom

Ovakav se transfer može obaviti koliko god se čini za trajanje ugovora, pri čemu prava na transfer zadržava RSBIH koji pušta igrača. Ugovor između kluba i igrača ostaje na snazi za trajanje posudbe. Ovakvo posudjivanje igrača podliježe pristanku igrača.

## 2 Transfer uz prenosenje prava na transfer

Pri ovakvom transferu prava na transfer iz postojećeg, valjanog ugovora prenose se na RSBIH koji prima igrača. Ovakvi transferi podliježu pristanku kluba koji pušta igrača, samog igrača i kluba koji ga prima.

## 3 Transfer po isteku ugovora

Kod transfera po isteku ugovora, prava na transfer se prenose na nacionalnu federaciju koja prima igrača.

## 4 Za sve međunarodne transferi koji nisu obuhvaćeni ovim članom vrijede propisi EHF-a

### Član 46.

Rukometni savez Bosne i Hercegovine može uskratiti izdavanje certifikata o međunarodnom transferu ako:

- igrač koji čini da napustiti nije ispunio obaveze prema svom ugovoru sa svojim trenutnim /prethodnom klubom, ili
- postoje neki materijalni razlozi u vezi s transferom između kluba koji igrača pušta i kluba nekog drugog saveza u inostranstvu s kojim igrač namjerava sklopiti ili je već sklopio ugovor.

Razlozi koji se priznaju kao materijalni su

- nesuglasnost u vezi s iznosom naknade za transfer koju klub koji prima igrača plaća klubu koji pušta igrača,
- Postojeće i potvrđene suspenzije ili disciplinski postupci koji su u toku.

## XII - OBESTECENJE ODNOSNO NAKNADA ZA EDUKACIJU IGRACA STAROSTI OD 16 DO 23 GODINE PRI ODLASKU U INOSTRANSTVO.

### Član 47.

1. Klub koji pušta igrača pod ugovorom u inostranstvu ima pravo zahtijevati naknadu za edukaciju za igrača starosti od 16 do 23 godine koji učestvuje u klubskim ili reprezentativnim takmičenjima –kriterij – biti uvršten najmanje jednom u službeni zapisnik s utakmice u predmetnoj sezoni- .

2. Naknada za edukaciju igrača se ne može zahtijevati nakon isteka 12 mjeseci od prestanka zadnjeg ugovora.

3. Naknada po igraču pod ugovorom za edukaciju i po sezoni iznosi najviše 2500 EUR za klupsko takmičenje.

4. Naknada po reprezentativcu i po sezoni iznosi najviše 500 EUR za takmičenje državne reprezentacije, te je dovoljno da bude barem jednom u službenom zapisniku utakmice državne reprezentacije.

5. Nejasne okolnosti u pogledu naknade za edukaciju ne predstavljaju materijalne razloge za uskracivanje izdavanja certifikata o međunarodnom transferu.

6. Naknada za edukaciju može se tražiti samo tokom postupka transfera. Tačna i pravovremena obavijest je preduvjet za svako polaganje prava na naknadu edukacije.



7. U slučaju uključivanja EHF-a u rješavanje spora plaća se upravna taksa u iznosu 1000 EUR – na teret kluba koji je u krivu-, što vrijedi i za propustanje u izvršenju uplate.

### **XIII - OBESTECENJE ZA PRELAZ IGRACA IZ KLUBA CLANA RSBIH u KLUB DRUGOG NACIONALNOG SAVEZA**

#### **Član 48.**

Obestecenje za prelaz igrača iz kluba člana RSBIH u klub drugog nacionalnog saveza određuje se ugovorom između igrača i kluba.

Ako ne postoji odredba u ugovoru o tačnoj novčanoj visini obestecenja za prelaz igrača u klub drugog nacionalnog saveza nakon isteka ugovora, obeštećenje se ne može tražiti.

#### **Član 49.**

Igrač može dobiti dopuštenje za igranje u klubu drugog nacionalnog saveza odnosno izdat će mu se međunarodni transfer certifikat

- ako ima ispisnicu kluba čiji je član bio,
- ako je plaćena taksa po propisu IHF-a odnosno EHF-a
- ako je plaćena taksa na račun RSBIH u iznosu od 1000 KM

#### **Član 50.**

Transfer certifikat igraču koji nakon ispunjene potrebne procedure za odlazak u klub drugog nacionalnog saveza, bit će izdat u propisanoj formi u roku od 30 dana računajući od dana prijema zahtjeva, a shodno propisima IHF i EHF.

### **XIV - IGRAČI REPREZENTATIVCI**

#### **Član 51.**

Igrači pozvani na nastup u državnoj reprezentaciji moraju ispunjavati uslove iz člana 7. IHF-ovog Pravilnika o pravu nastupa igrača.

Klub koji u svojim redovima ima stranog igrača dužan je tog igrača pustiti u njegovu nacionalnu federaciju ako ga pozovu na učešće u aktivnostima državne reprezentacije te federacije.

Klub pusta igrača u njegovu državnu reprezentaciju u skladu sa ovim članom, i to kako slijedi :

#### **1. Olimpijske igre, svjetska prvenstva, kontinentalna prvenstva**

- Pustanje igrača ograničeno na period koje počinje 15 dana prije početka takmičenja, a završava dan nakon završetka takmičenja.

#### **2. Kvalifikacione utakmice za takmičenje iz tace 1.**

- Pustanje je ograničeno na period koji počinje 2 dana prije početka perioda odigravanja, a završava dan nakon završetka perioda odigravanja.

#### **3. Ostale aktivnosti državne reprezentacije**

- Pustanje je ograničeno na 15 dana po sezoni.

U odnosu na odredbe stava 3. ovog člana, nacionalne federacije i klubovi o ovom pitanju mogu se dogovoriti drukcije u pisanom obliku.

Klubovi i nacionalne federacije u ovom pitanju moraju biti pisanim putem obavješteni o datumima i pujanju prema stavu 3. ovog člana najkasnije 60 dana prije početka aktivnosti državne reprezentacije.

Primjerak ovog poziva dostavlja se i IHF-u ili nadležnoj kontinentalnoj federaciji.

## **XV - PRIGOVORI I SPOROVI TE ZAVRSNE I PRELAZNE ODREDBE**

### **Član 52.**

Prigovorima i sporovima između zainteresovanih strana prema ovom Pravilniku u redovnom postupku u prvom stepenu odlučuje Registraciona komisija RSBIH, a u drugom stepenu Izvršni odbor RSBIH.

### **Član 53.**

Sve što nije propisano ovim Pravilnikom, a odnosi se na međunarodne transfer igraća, primjenit će se odredbe EHF-a

### **Član 54.**

Pravilnik je donesen na sjednici Izvršnog odbora RSIH, održanoj 11.06.2007.- godine i stupa na snagu danom donosenja.

U Sarajevu, 11.06. 2007.

**Predsjedništvo RSBIH**

mr . Petar Milanović

dr. Nevenko Herceg

dipl. ecc Mirsad Sirćo